

te testificari non differant: si quis autem contra eos habuerit testimonium dicere, nullatenus adquiescant. Quod quia satis est contrarium veritati, hanc omnes iudices se noverint habere licentiam, ut talia commenta instantur inquirant, et inventa disrumpant, atque quos eadem¹ placita nominaverint, centenis flagellis verberandos insistant. Ita tamen, ut ista disciplina non ad infamiae notam eis pertineat, sed testificandi quod cognitum habuerint, sit illis ex lege concessa semper, et indubitata libertas.

XI. Flavius Cintasvintus Rex².

De quibus annis possunt testificari minores.

Hæc ætas erit constitutis in minoribus annis ad

testimonium admittenda, ut postquam puer, aut puella quatuordecim vitæ suæ annos impleverint, sit illis in causis omnibus testificandi indubitata licentia.

XII. *Vt contra extraneos parentela, et propinquitas testimonium minime dicant.*

Fratres, sorores, uterini, patruus, amita, avunculi, matertera, sive eorum filii, item nepos, neptis, consubrini³, vel amitini in iudicium adversus extraneos testimonium dicere non admittantur; nisi forsitan parentes eiusdem cognationis inter se litem habuerint, aut in causa de qua agitur, aliam omnino ingenuitatem deesse constiterit⁴.

V. TITVLVS DE SCRIPTVRIS VALITVRIS

ET INFIRMANDIS, AC DEFVNCTORVM VOLVNTATIBVS CONSCRIBENDIS.

- I. *Quales debeant scripturæ valere.*
- II. *Ne incognitam scripturam quisquis⁵ ille testis scribere⁶ audeat.*
- III. *De pactis et placitis conscribendis⁷.*
- IV. *Contra priorum definitionem filio vel hæredi non licet⁸ venire.*
- V. *De damnis eorum, qui contra pacta et placita sua venire contendunt.*
- VI. *Ne valeant definitiones vel pacta⁹ servorum.*
- VII. *De turpibus et illicitis rebus.*
- VIII. *Ne sub unius nomine causæ res alia¹⁰, vel persona callidis definitionibus obligetur: de poena etiam, quæ sit in placitis inserenda.*
- IX. *Quod omnis scriptura vel definitio, quæ per vim et metum extorta fuerit, valere non poterit.*

- X. *Quæ scripturæ valere¹¹ non poterint, si ab his factæ fuerint, qui sunt in annis minoribus constituti.*
- XI. *Qualiter confici vel firmari conveniat ultimas hominum voluntates.*
- XII. *Qualiter firmentur voluntates eorum, qui in itinere moriuntur.*
- XIII. *Vt defuncti voluntas ante sex menses sacerdoti, vel testibus publicetur.*
- XIV. *De contropatione¹² manuum, si scriptura vertatur in dubium.*
- XV. *De holographis¹³ scripturis.*
- XVI. *De contropatione¹⁴ scripturarum, et earum poena exsolvenda.*
- XVII. *Ne aliud quis per testem, aut¹⁵ per scripturam alligare præsumat.*

I. Flavius Cintasvintus Rex¹⁶.

Quales debeant scripturæ valere.

Scripturæ, quæ diem et annum habuerint evi-

denter expressum, atque secundum legis ordinem conscriptæ noscuntur, seu conditoris, vel testium fuerint signis aut subscriptionibus roboratæ, omnes¹⁷ habebant stabilem firmitatem. Simili¹⁸ quoque et illæ scripturæ valore constabunt.

¹ Toled. got. per eundem placitum.
² Toled. got. Antiqua. Legion. Flav. Recesvintus Rex. Antiqua, noviter emendata. Lind. Antiqua, emendataque noviter.
³ Legion. consubrini et consubrina.
⁴ En el código Legion. hay por via de escolio una explicación de los parentescos, que dice así: "Fratres et sorores, de uno patre et una matre: uterini, de uno utero, et diversis patribus: patruus, frater patris: amita, soror patris: avunculus, matris frater: matertera, soror matris: nepos, neptis, priores congermani: consubrini, de duobus sororibus nati: quasi consubrini, consubrinorum filii: amitini, amita filii."
⁵ Lind. quisquam.
⁶ Toled. got. Legion. y Lind. subscribere.
⁷ Toled. got. conservandis. Lind. conservandis vel conscribendis.

⁸ Legion. liceat.
⁹ Legion. placita.
¹⁰ Lind. aliena.
¹¹ Toled. got. valere poterint. Legion. y Lind. valere poterunt.
¹² Lind. comprobatione. Legion. contropatione manuum, et earum poena solvenda.
¹³ En todos los códigos góticos se lee equivocadamente ologravis.
¹⁴ Toled. got. comprobatione.
¹⁵ Legion. y Lind. aliud.
¹⁶ Toled. got. y Card. sin autor ni nota. Legion. noviter emendata.
¹⁷ Toled. got. omnino habeantur stabiles. Firmitate simili quoque et illæ scripturæ constabunt. Lind. omni habeantur stabiles firmitate.
¹⁸ Legion. Similiter.